

者無非誤國之事陷君之計宜乎仁愛之天警之不已也
戊午 上親傳 宗廟夏享大祭及雩祀香祝○霜降日微暉
夜坤方如火氣

庚申日暉

壬戌摠護使

李浚慶

啓曰遷陵時誌文哀冊仍用舊文矣但哀冊內

有 禧陵卜地之語此則似可改撰而哀冊乃述初喪舉國哀慕
之情今不可追改臣等覆商確依誌文例略叙遷陵之意於哀冊
末端合於情禮令藝文館製進傳曰如啓○傳于政院曰近觀上言
多以不切細瑣之事任意呈之略無畏忌實由人心風俗漸不如古而
然也且如老職則自有法限所當呈該司訟事則所當呈訟官伸
理而為該官者不念民情視為尋常多致民冤故有此紛紜之訴
設京兆六曹之意安在自今以後另加詳察隨即解冤俾無紛紜
呈訴○日微暉夜月暉

癸亥日暉

甲子鈴平府院尹尹旣啓請適司譯院提調累啓不允

源 利
辭 給 初